



REPUBLIKA E SHQIPËRISË

MINISTRIA E FINANCAVE DHE EKONOMISË

MINISTRI

Nr. 2766 prot.

Tiranë më, 9 / 2 /2021

URDHËR

Nr. 29, datë 9.2. 2021

**PËR NJOFTIMIN E FILLIMIT TË PROCEDURAVE TË PËRZGJEDHJES SË  
ANËTARËVE TË BORDIT TË MBIKËQYRJES PUBLIKE**

Në mbështetje të pikës 4, të nenit 102, të Kushtetutës të Republikës së Shqipërisë, të pikës 3, të nenit 4 të ligjit nr.10091, datë 05.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar”, i ndryshuar, të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, i ndryshuar, të Vendimit nr. 17/2016, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, të pikës 1 dhe të pikës 5 të Kreut II të Vendimit të Këshillit të Ministrave nr.786, date 09.11.2016, “Për procedurat e përzgjedhjes dhe rastet e shkarkimit të anëtarëve, si dhe rregullat e organizimit e të funksionimit të Bordit të Mbikëqyrjes Publike” i ndryshuar, duke qenë se mandati 4-vjeçar i qëndrimit në detyrë i Kryetarit dhe anëtarëve të Bordit të Mbikëqyrjes Publike, përfundon më datë 24 Mars 2021, si dhe me vullnetin për realizimin e një procesi sa më objektiv e transparent për përzgjedhjen e kandidatave me integritet të lartë moral dhe profesional të përshtatshme për anëtarësim në këtë organizëm,

**URDHËROJ**

1. Fillimin e procedurave të përzgjedhjes për Kryetar dhe 3 (tre) anëtarë të Bordit të Mbikëqyrjes Publike të cilët pas vlerësimit do të emërohen nga Ministri i Financave dhe Ekonomisë.

2. Bordi i Mbikëqyrjes Publike është organi më i lartë vendimmarrës për mbikëqyrjen publike të audituesve ligjorë dhe shoqërive të auditimit, organizatave profesionale të audituesve ligjorë si dhe organizatave profesionale të kontabilistëve të miratuar me qellim përmbushjen e objektivave publike në mbështetje dhe në zbatim të ligjit, akteve nënligjore, kuadrit rregullator dhe në shërbim të interesit publik.
3. Kryetari dhe anëtarët e Bordit ushtrojnë kompetencat dhe përgjegjësitë në bazë të përcaktimeve në nenin 5 të ligjit nr.10091, datë 05.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar”, i ndryshuar, nëpërmjet mbledhjeve dhe marrjes së vendimeve në përputhje me procedurat e zhvillimit të mbledhjeve të Bordit të Mbikëqyrjes, të përcaktuara në ligj dhe në Vendimin e Këshillit të Ministrave nr.786, date 09.11.2016, i ndryshuar.
4. Në mbështetje të pikës 4, të nenit 4 të ligjit nr.10091, datë 05.03.2009, “Për auditimin ligjor, organizimin e profesionit të audituesit ligjor dhe të kontabilistit të miratuar”, i ndryshuar, kandidatët për Kryetar dhe anëtarë të Bordit të Mbikëqyrjes Publike duhet të plotësojnë kriteret e mëposhtëm:
  - a. të kenë shtetësi shqiptare;
  - b. të kenë integritet moral dhe profesional;
  - c. të mos jenë dënuar penalisht me vendim të formës së prerë;
  - ç. të zotërojnë, të paktën, diplomë “Master i shkencave” apo të barasvlershëm me to, sipas legjislacionit të arsimit të lartë dhe 10 (dhjetë) vite përvojë, ose një gradë apo titull shkencor dhe 7 (shtatë) vite përvojë pune në çështjet e auditimit ligjor dhe të kontabilitetit;
  - d. të mos kenë lidhje të afërta, deri në shkallë të dytë, me personat në organet e zgjedhura të organizatës profesionale të audituesve ligjorë.
5. Kandidati që përzgjidhet nga institucionet publike të arsimit të lartë të licencuara dhe të akredituara sipas legjislacionit në fuqi për arsimin e lartë, duhet të plotësojë kriteret e parashikuara në pikën 4, të nenit 4, të ligjit, dhe të jetë pjesë e stafit të përhershëm të institucionit publik të arsimit të lartë.
6. Kandidatët, që aplikojnë për Kryetar dhe anëtarë të Bordit, dorëzojnë në Ministrinë e Financave dhe Ekonomisë dokumentacionin e mëposhtëm:
  - a. Kërkesën me shkrim;
  - b. Kopje të pasaportës ose të kartës së identitetit (ID);
  - c. *Curriculum vitae*;
  - ç. Dy vlerësimet e fundit vjetore, në rast se kandidati vjen nga institucionet publike;

- d. Kopje të noterizuar të librezës së punës;
  - dh. Kopje të noterizuar të diplomës/diplomave;
  - e. Vetë deklaram mbi konfliktin e interesit sipas përcaktimeve të pikës 4/d sa më sipër;
  - ë. Kopje të noterizuara të dëshmive e të certifikatave të trajnimeve e të kualifikimeve pasuniversitare;
  - f. Dëshminë e penalitetit
7. Dokumentet e përcaktuara në shkronjën “ ë ”, të pikës 6 sa më sipër, të përfituara jashtë vendit, duhet të jenë të legalizuara, sipas legjislacionit në fuqi.
  8. Kërkesa për shprehje interesi dhe dokumentet shoqëruese mund të dorëzohet me postë ose drejtpërsëdrejti në Zyrën e Protokollit të Ministrisë së Financave dhe Ekonomisë, në adresën: **Ministria e Financave dhe Ekonomisë, Blv. “Dëshmorët e Kombit”, Nr.3 Tiranë, Kodi Postar 1001.**
  9. Afati i paraqitjes së shprehjes së interesit, shoqëruar me dokumentacionin e nevojshëm, do të jetë 15 ( pesëmbëdhjetë) ditë pune nga shpallja e këtij njoftimi, duke filluar nga data **10 Shkurt 2021** deri më **datë 2 Mars 2021.**
  10. Përzgjedhja e kandidatëve për anëtarë të bordit, sipas pikës 2, të Kreut II të Vendimit të Këshillit të Ministrave nr.786, date 09.11.2016 “Për procedurat e përzgjedhjes dhe rastet e shkarkimit të anëtareve, si dhe rregullat e organizimit e të funksionimit të Bordit të Mbikëqyrjes Publike”, i ndryshuar, kryhet nga një komision ad- hoc i ngritur me urdhër të Ministrit të Financave, i cili ka për detyrë të shqyrtojë dokumentacionin e paraqitur dhe të hartojë listën e kandidatëve që plotësojnë kriteret ligjore.
  11. Pas administrimit të dokumentacionit, Komisioni *ad-hoc*, brenda 10 (dhjetë) ditëve pune nga data e mbylljes së afatit të dorëzimit të dokumentacionit, shqyrton dokumentacionin dhe harton listën e kandidatëve që plotësojnë kriteret dhe e paraqet për miratim tek Ministri i Financave dhe Ekonomisë.
  12. Kandidatët e listës që plotësojnë kriteret ligjore duhet të dorëzojnë “Formularin e vetëdeklarimit” të plotësuar dhe nënshkruar sipas përcaktimeve të ligjit nr.138/2015 “Për garantimin e integritetit të personave që zgjidhen, emërohen ose ushtrojnë funksione publike”.
  13. Ky njoftim publikohet në faqen zyrtare të Ministrisë së Financave dhe Ekonomisë në Buletinin e Njoftimeve Zyrtare të Qendrës së Botimeve Zyrtare dhe në Buletinin e Agjencisë së Prokurimit Publik.
  14. Ngarkohet Sekretari i Përgjithshëm për zbatimin e këtij urdhri.  
Ky Urdhër hyn në fuqi menjëherë.

